

DEO OPT. MAX. VNI ET TRINO, VIRGINI DEIPARÆ, ET SANCTO LVCÆ ORTHODOXORVM MEDICORVM PATRONO.

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS II. DECEMBRIS.

M. DIONYSIO PVYLON Doctore Medico, Moderatore.

Est ne Vitalis Facultas Naturalis ?

1110.

HOMO diuinum animal, mortalis Deus, à Deo factus, non genitus, animâ rationali ex cælo, corpore ex cæno constat: Illa huius Inquilinus omnis expertæ materiæ incorporeis alitur sapientiæ studiis, quibus non opimior sed ornator efficitur. Hoc illius nec carcer nec sepulchrum, sed hospitium vel domus, rectius prædium ex certa elementorum proportionē concretum, idoneo temperamento præditum, humoribus & spiritibus circumfluens, partibus ritè conformatis instructum. Vtriusquequævis Naturæ disparis mira est concordia, vnionis parens mutua innataque propensio animæ (nusquam defutura) vt corpus subeat inmeturque: corporis vt animæ rationali tanquàm *ἐκταλκτὴ* propriæ subiciatur. Vnionis finis vita, actio: Illa non est *κατὰ τὰς ὑπερταλκτὰς φύσεις αὐτῆς ὑπερμῆς*, neque *ἐκταλκτὴ* *τῆς φύσεως*, sed actus & perfectio animæ, absque motore externo præsentē sese ad Naturæ suæ congruentes operationes determinantis. Actus hic proprietas est à qua habet anima, vt *τὸ ζῆν ἀρχὴ ἐστὶν αἰσθῆς* existat (non tamen vnica) hinc vita ejus à corpore digressæ longè alia est, *ὅ δὲ διακρίνεται ὁ ἄνθρωπος ἐκ τῆς ἀσθενείας*; secus verò dum illi consociata. Hæc *ἡ δὲ συνύλητος κίνησις*, ad quam concurrunt anima cum facultate & corpus partium suarum concinnâ structurâ & idoneâ donatarum temperie. Vtriusque famularui mancipantur spiritus vt ortu sic tenuitate, puritate, temperie, & ad motum aptitudine dissimiles. An omnia opera cum carnis ministerio anima partitur? Efficaciæ animæ, partium structura & temperiæ variae sunt pro cuiusque actionis exigentiâ.

VT functio propter opus, sic propter functionem facultas, qualitas non parta aut infusa, sed à Natura insita Animæ ejus proximum est instrumentum per se primò ordinata ad operationes ejus obeundas, & eam ob rem simpliciter necessaria. Anima humana virium omnium quas de sinu suo promit, origo vna, sedes vna, cui tanquam proprietates ejus indiuisè coherent, atque adeò vt illa tota est in toto & in singulis Partibus indiuisa, ita omnium suarum virtutum vbique gaudet consortio, non subsidio: à partibus igitur principibus nulla in cæteras deriuatur, nè Arteriarum vis pulsifica, sed spiritus duntaxat vel cum eo sanguis. Earum numerus viuientium quatuor ordinibus comprehensionibus definiatur. Crescendi vis licet videatur exolefcere duodecimo à natiuitate die in canali arterioso ab Aorta in venam arteriosam peruio penè obliterato, & post vigorem annis confirmatum intercidisse, non tamen intermoritur senij & mortis nescia. Cæterarum fors eadem.

POTENTIÆ omnes sunt Animæ vel Naturæ; illius *ἡ ἐκταλκτὴ* & *ἡ διακρίνεται*, huius *ἡ ἐκταλκτὴ*, vel vtrique communes *ἡ ἐκταλκτὴ* & *ἡ κίνησις* *τῆς φύσεως*, *ὑπερταλκτὴ* siue *ὑπερμῆς* *ἐκταλκτὴ* vel indiuidui sui spectat conseruatio: nem & alitrix est, vel ejus perfectionem & auctrix, vel speciei propagationem & generatrix, illis ancillantur attraxitrix, expultrix, retentrix & coëtrix, quarum hæc summa est, ejus instrumentum calor, reliquarum stamina & villi: Ipsa verò priuata est aut publica, illa suâ se prodit actione & opere in omnibus & singulis corporis etiam particulis; Hæc in aliqua & definita parte multiformis est, nomen suum ab opere vel huius vsu mutatur. Animalium & Naturalium potentiarum non leue discrimen; Illæ cognitione ducuntur sensu aut intellectione, vt suas edant operationes speciebus & spiritibus indigent; species sui vltro transmittunt objecta aut ipsæmet cudunt; cerebrum spiritus subministrat, eorum actiones inhibere aut saltem citiores reddere in nostra potestate situm est. Hæ solo aguntur instinctu, materiam idoneam & sufficientem ad suas functiones (nostri nequaquam juris) requirunt; hæc omnium (vnâ si exceperimus) sanguis est & spiritus quos hepar & cor suppeditant.

HIS indicis statuatur in quarum potentiarum censu reponi debeat Facultas vitalis, quæ cordis æstu (majore quàm in quâuis aliâ officinâ) & natiuâ temperie plurimum adjuta sanguinem è vena caua per patentissimum hiatus cum spiritu naturali raptum & aërem suis repurgatum inquinamentis, alteratum & elaboratum è pulmonibus haustum in sinistro cordis specu temporis momento conficit, & in sanguinem atque spiritus longè tenuiores & feruidiores conuertit, hoc nomine Vitales quod singularem partium calorem foueant, tueantur, augeant, insitque damna vberius feliciusque reparent quàm Naturales, hinc caloris influentis nomen non immeritò asciscunt: Vis ipsa specie vitalis est, vitæ nec auctor, nec index; huius euidentissimum *τὸ ζῆν* motus: Inanima quæ suopre ferri videntur impetu viua nuncupamus; ab eo cor primum viuere & nouissimè emori dicitur, sed perperam: is in corde à vi vitali non est, sed pulsificâ illius ministrâ.

CVM vis illa vitalis otium sui nesciat, nullâ prælucente cognitione operetur, & cordis calorem concausam sibi adjungat, illius actio liberi arbitrij imperio neutra ratione sit subdita; in sanguinem, spiritus naturales & aërem ritè apparatus tanquam in aptam & conuenientem materiam se conuertat, vt ex iis sanguinem arteriosum vberiori spirituum vitalium copiâ perfusum generet cessurum cum venoso in partium substantiam (non ex æquo) cuius per arterias (vnica donatas à natura tunica) in omnes corporis partes influxu & receptaculorum motu calor insitus recreatur, refocillatur, vt vegetior factus functiones omnes naturales benè cumulatque perficiat.

Est ergo Vitalis Facultas Naturalis.

DOMINI DOCTORES DISPVATVRI.

M. Fabianus Perreau.

M. Edmundus Charrier.

M. Raphaël Maurin.

M. Ludonicus Gallais.

M. Franciscus Gouel.

M. Petrus Crescé.

M. Petrus Bourdelot.

M. Carolus le Breton.

M. Claudius Peraut.

Proponebat Lutetiæ NICOLAUS ROBIN Parisinus, A.R.S.H.M.DC.LX.